

Morning Regional Dogri News Bulletin,

09th May 2025 **09-20** Hrs

Headlines

- भारत नै पाकिस्तान आस्सेआ जम्मू कश्मीर दे सतवारी, सांबा, आर.एस.पुरा ते अरनिया उप्पर दागी गेदिएं 8 मिसाइलें गी नाकाम करी दित्ता।
- सीमा सुरक्षा बल नै सांबा जिले च अंतर्राष्ट्रीय बन्ने पर घुसपैठ दी इक बड़्डी साजश गी नाकाम बनाया।
- उपराज्यपाल मनोज सिन्हा होरें इक उच्च सतह दी बैठक लाइयै सुरक्षा स्थिति दा जायजा लैता।
- मुख्यमंत्री उमर अब्दुल्ला होरें बीरवारें बन्ने कन्नै लगदे जिले दे डिप्टी कमीशनरें कन्नै बैठक लाई ते जमीनी हालात दा जायजा लैता।
- जम्मू—श्रीनगर राश्ट्री लरनैली शिड़क एनएच—44 रामबन जिले दे चंबा सेरी इलाके च भारी लास पस्सियां पौने करी बंद ऐ।

<><><><><><>

Pak Missiles

पाकिस्तान नै जंदी रातीं जम्मू दे सतवारी, सांबा, आर.एस.पुरा ते अरनिया पर 8 मिसाइलां दागियै हमला करने दी कोश्ट कीती। रक्षा सूत्रें दस्सेआ जे सब्बने मिसाइली हमलें गी एयर डिफेंस यूनिट कन्नै नाकाम करी दित्ता गेआ। जम्मू पर इ'नें हमलें दा दक्ख इजराईल पर हमास दे हमले दा चेता करोआने ज्नेया हा। पाकिस्तानी फौज आतंकी गुट हमास आह्ला लेखा कम्म ते बवहार करै करदी ऐ। पाकिस्तानी खूफिया एजेंसी आईएसआई ते हमास मझाटै पिच्छले म्हीने पाकिस्तान दे नजैज कब्जे आहले कश्मीर च मलाटी होई ही। जंदी रातीं आहले हमले च अंतर्राष्ट्री बन्ने दे कोल जम्मू, पठानकोट ते उधमपुर दे फौजी ठिकानें गी पाकिस्तान नै मिसाइलें ते ड्रोन कन्नै निशाना बनाने दी कोश्ट कीती पर एहदे च कोई नुक्सान नेई पुज्जा। भारती थेहारबंद बलें इ'नें हमलें गी बेअसर करी दित्ता। रक्षा सूत्ररें जानकारी दित्ती जे पच्छमी बन्ने पर केई थाहरें पर दुश्मन दे हमलावर ड्रोन दिक्खे गे। भारती वायु रक्षा प्रणालियें कन्नै इ'नेंगी असरदार ढंग्गै'नै नश्ट करी दित्ता गेआ। इस्सै दरान कल रातीं 11 बजे सीमा सुरक्षा बल नै जम्मू—कश्मीर दे सांबा जिले च अंतर्राष्ट्री बन्ने पर घुसपैठ दी बड़्डी कोशश गी नाकाम करी दित्ता।

<><><><><><>

India Attack

भारतीय सशस्त्र बलें जंदी रातीं ड्रोन ते होरने थेआरें कन्नै उत्तरी ते पच्छमी शैहरें गी नशाना बनाने दी पाकिस्तान दी सब्बने भैड़ी कोशशें गी नाकाम करी दित्ता। पाकिस्तान नै जम्मू कश्मीर च नियंत्रण रेखा पर केई बारी भारी मात्रा च गोलीबारी कीती गई। ड्रोन ते मिसाइलें राएं कीते गेदे हमलें गी नाकाम बनाया हा। भारत ते एहूदे पर जवाबी कारवाई दे रूपै च लाहौर च पाकिस्तान दी हवाई रक्षा प्रणाली गी तबाह करी दित्ता ऐ। भारती; स'स्= बलें जंदी रातीं ड्रोन ते होरने थेआरें कन्नै उत्तरी ते पच्छमी शैहरें गी नशाना बनाने दी पाकिस्तान दी सब्बने भैडनी कोशशें गी नाकाम करी दित्ता। पाकिस्तान नै जम्मू कश्मीर च नियंत्रण रेखा पर केई बारी भारी मात्रा च गोलीबारी कीती गई। भारतीय फौज नै जोर देइयै आखेआ जे ओह देसै दी सप्रभुता ते क्षेत्रीय अखंडता दी रक्षा लेई प्रतिबद्ध ऐ। सेना नै आखेआ अब्बने भैड़ेते नापाक मनसूबें दा बनकाइयै परता दित्ता जाग।

<><><><><><>

LG
उपराज्यपाल मनोज सिन्हा होरें कल इक बैठक लाइयै जम्मू कश्मीर दी सुरक्षा स्थिति दा जायजा लैता। इस बैठक च मुख्य सचिव, जम्मू कश्मीर दे डीजीपी, प्रिंसिपल सैक्रेटरी होम ते होरने वरिष्ठ अधिकारिण हिस्सा लैतां। उपराज्यपाल होरें अधिकारिण गी निर्देश दित्ते जे ओह सतर्क रौहन ते कनून बवस्था गी बगाड़ने ते फर्जी खबरें गी रोकने लेई सख्त उपाह करन। उनें डिवीजनल कमिशनरें गी निर्देश दित्ते जे ओह प्रमुख नागरिकें कन्नै मिलन ते लोकें कन्नै गल्लबात करियै उनेंगी नेई डरने ते सबर कन्नै इस स्थिति कन्नै निबड़ने लेई प्रेरित करन। उपराज्यपाल होरें आखेआ ऐ जे जिला अफसरें गी बी बन्ने आले इलाकें दा दौरा लाना चाहिदा ते लोकें कन्नै मिलियै उंदी सुरक्षा, सेहम सरबंधी सेवा ते होरने जरूरी सेवाएं गी बी जकीनी बनाना लोड़चदा।

<><><><><><>

Civilian Cremated(byte)
पुंछ जिले च जंदे रोज पाकिस्तान दी तरफा कीती गेदी गोलीबारी च जान मोहाने आहलें दे नड़ोए च ज्हारें दी गिनतरी च लोक शामिल होए। पाकिस्तानी बलें आसेआ नियंत्रण रेखा दे पारै थमां विजन उक्सावे दे कीती गेदी इस गोलीबारी करी होए दे जानी ते माली नुकसान पर इलाके दे लोकें च बड़ा मता रौह रौस्सा ऐ। लोकें पाकिस्तान दी इस बुजदलाना हरकत पर प्रतिक्रिया दिंदे होई इनें हमलें पिच्छे दी मंशा पर सोआल पुट्टे होई प्रभावित परिवारें लेई इंसाफ दी मंग कीती ते आखेआ।

<><><><><><>

IIT Mock Drill(byte)

“आप्रेषन सिंदूर दे बाद समूलचे जम्मू दे बन्ने कन्नै लगदे इलाके च हाई अलर्ट जारी करी दित्ता गेदा ऐ ते आम लोकें दी सुरक्षा गी यकीनी बनाने लेई मती सतर्कता बरती जा’रदी ऐ। इस्सै सिलसिले दे तैहत अज्ज जगटी नगरोंटा स्थित आई.आई.टी जम्मू च प्रदेश आपदा प्रबंधन बल आसेआ मॉक ड्रिल कराई गई। एस.डी.आर. एफ, होम गार्ड ते सिविल डिफेंस दे महानिरीक्षण मोहम्मद इरशाद आई.आई.सी दे डरैक्टर मनोज सिंह गौड़ ते विद्यार्थी बी इस मौके पर उत्थे मौजूद हे। मॉक ड्रिल दौरान सब्बनें गी जानकारी दिती गई जे कुसै बी आपात स्थिति दौरान किस चाल्ली बवहार करना ऐ, घाब्रना नेई ऐ ते कियां इक दुए दी मदद करनी ऐ। इस मौके पर बोलदे होई महानिरीक्षक एस.डी.आर.एफ मोहम्मद इरशाद होरें आखेआ।

<><><><><><>

Catch The Rain(byte)

जिला प्रशासन रियासी नै उत्थे बरखा दा पानी भविक्ख दे इस्तेमाल लेई जमा करी रखने सरबंधी अभियान “कैच दा रेन” गी कामयाबी कन्नै मुकम्मल करी लैता ऐ। राष्ट्र व्यापी जल शक्ति अभियान तैहत रम्भी गेदी इस मुहिम च सरकारी मैहकमे, मकामी लोकें ते बक्ख-बक्ख समुदायें दे मिम्बरें बधी-चढ़ियै हिस्सा लैता। इस अभियान दे तैहत बरखा दे पानी गी जमा करने दे अलावा तलाएं गी साफ ते संरक्षित रखने, पानी दे रिवायती होरनें स्रोतें दे रख-रखाव ते संरक्षण जियां तलाह, सूह, नाडू, बगैरा चैक्क डैम ते बरखा दा पानी जमा करने दे कम्में गी अंजाम दित्ता जंदा ऐ। इस बारै आकाशवाणी कन्नै गल्ल करदे होई जिला जंगलात अफसर अरविंद कुमार होरें आखेआ।

<><><><><><>

CM

मुख्यमंत्री उमर अब्दुल्ला होरें वीरवारें बन्ने कन्नै लगदे जिलें दे डिप्टी कमीशनरें कन्नै बैठक लाई ते जमीनी हालात दा जायजा लैता। सोशल मीडिया पोस्ट एक्स पर मुख्यमंत्री हुंदे दफतरै आस्सेआ दित्ती गेदी जानकारी मूजब मुख्यमंत्री होरें सारे जिले दे जमीनी हालात दा जायजा लैता ते आखेआ गेआ ऐ जे जरूरी सेवाएं दी सुचारु उपलब्धता गी जकीनी बनाने दे जतन कीते जा’रदे न।

<><><><><><>

Rana GMC Visit(byte)

जल शक्ति मंत्री जावेद अहमद राणा होरें अज्ज सरकारी मेडिकल कॉलेज जम्मू दा दौरा लाइयै उत्थे दाखल, पुंछ जिले च बन्ने पारा होई दी गोलीबारी च घायल होए दे लोकें दी डौल पुच्छी। अपने दौरे दौरान उनें मरीजें ते उन्दे परिवार आहलें कन्नै गल्लबात कीती ते उनेंगी सरकार आसेआ हर चाल्ली दे सहयोग ते मदद दा भरोसा दोआया। मंत्री होरें अस्पताल च कुसै बी आपात स्थिति कन्नै निब्वडने लेई कीते गेदे बंदोबस्तें पर

संदोख प्रगट कीता ते उत्थे कम्म करा'रदे डॉक्टरें, नीम डाक्टरा अमले ते होर दुए स्टाफ दे तुरत प्रतिक्रिया कन्नै कम्म करने दी सराहना कीती। उनें मेडिकल कॉलेज दे प्रिंसीपल गी निर्देश दित्ता जे ओह घायलें गी हर मुमकिन इलाज दी सेवा उपलब्ध कराना यकीनी बनान। मंत्री होरें मरीजें दे तौले नरोए होने दी बी प्रार्थना कीती। उनें आखेआ।

<><><><><><>

NHW Closed(Dispatch)

जम्मू श्रीनगर राष्ट्रीय जरनैली शिड़क एनएच-44 रामबन जिले दी चंबा सेरी इलाके च भारी लास पस्सियां पौने करी बंद ऐ। शिड़क गी ठीक करने दा कम्म अजें तगर पूरा नेई होआ ऐ। लोकें गी सलाह दित्ती गई ऐ जे ओह जम्मू श्रीनगर राष्ट्रीय जरनैली शिड़क दा कम्म पूरा होने थमां पैहले यात्रा शुरू नेई करन। अपनी यात्रा शिड़क ठीक होने मगरा करन ते शिड़क दी ताजा स्थिति बारे जानकारी ट्रैफिक नियंत्रण कक्ष थमां लैती जाई सकदी ऐ। इस बारे होर जानकारी देआ'रदे न साढ़े संवाददाता अजयदीप सिंह.

<><><><><><>